

# Ariketak 73

## I. Euskaltzaindiaren *Hiztegi Batua* kontuan hartuz, aukeratu zuzena eta hutsunetan jarri:

1. Lapurretan egin zuten supermerkatuan eta lekukoek esan zuten zuzen \_\_\_\_\_ marroia zeraman lapurrak.
2. Bengoetxea VI \_\_\_\_\_ zen atzo arratsaldean Atano III pilotalekuan jokatuako finalerdietako partidari.
3. Mendiko bordak jausi eta pistak ugaltu dira \_\_\_\_\_ hauetan, eta haiekin batera pagadiak eta hariztiak desagertzen joan dira.
4. 1985ean hazitarako patataren \_\_\_\_\_ etorri zen, beste herrialde batzuetatik ekarritako patatak aurre hartu baitziren Nafarroakoari.
5. Aldaketa soziolinguistikoak oso astiro gertatzen dira, nahiz eta aldeko \_\_\_\_\_ sozial juridikoaren erabateko beharra izan.
6. Arabako, Bizkaiko eta Gipuzkoako \_\_\_\_\_ larriek badute eskubidea bigarren mediku bati beren egoerari buruzko iritzia eskatzeko, lehenengo medikuak eman dienarekin ados ez badaude edo zalantzak badituzte.
7. Minbizi zelulak tumore \_\_\_\_\_tik banandu eta zirkulazio sisteman edo sistema linfatikoan sar daitezke, gorputzeko beste leku batera heldu eta bertan berriro minbizi sor dezakete.
8. Hiru \_\_\_\_\_ arriskutsu atxilotu zituen bart poliziak eta taldea osatzen zuen laugarrenaren bila ari dira orain.

gaizkile • gaizkigile

gainkalde • gainalde

gailendu • gaihendu

gainbeherakada • gainbehera

gainegitura • gainestruktura

gaisto • gaizto

gaixo • gaiso

gaban • beroki

## 2. Aukera itzazu “Erakusleak testuen jostun (2)” artikuluko egileak hobetsiko lituzkeen esaldiak:

1. a. *Buah txabal* bakarrizketan Garikoitz Kortabitarte “Beti” gaztearen gorabeheren berri jakingo dugu. **Gazte honek** euskararekin duen harreman gatazkatsuen lekuko egingo gaitu Unai Iturriagak idatzitako lanak.
- b. *Buah txabal* bakarrizketan Garikoitz Kortabitarte “Beti” gaztearen gorabeheren berri jakingo dugu. **Gazte horrek** euskararekin duen harreman gatazkatsuen lekuko egingo gaitu Unai Iturriagak idatzitako lanak.
- c. *Buah txabal* bakarrizketan Garikoitz Kortabitarte “Beti” gaztearen gorabeheren berri jakingo dugu. **Gazte hark** euskararekin duen harreman gatazkatsuen lekuko egingo gaitu Unai Iturriagak idatzitako lanak.

IVAP

HERRI ARDURALARITZAREN  
EUSKAL ERAKUNDEA

Erakunde Autonomiaduna



2.
    - a. Herritarron datuek ez dute iraungitze datarik, eta **honek** Administrazioaren independentzia teknologikoa derrigorrezko auzi bilakatzen du.
    - b. Herritarron datuek ez dute iraungitze datarik, eta **horrek** Administrazioaren independentzia teknologikoa derrigorrezko auzi bilakatzen du.
    - c. Herritarron datuek ez dute iraungitze datarik, eta **hark** Administrazioaren independentzia teknologikoa derrigorrezko auzi bilakatzen du.
  3.
    - a. Halaber, artritis erreumatoidea duen mutil gazte batek egindako kexa aipatu nahi dugu. Kexan emandako datuen arabera, **mutil honek** etxez etxeko hezkuntza arretari esker egin zituen derrigorrezko irakaskuntzak.
    - b. Halaber, artritis erreumatoidea duen mutil gazte batek egindako kexa aipatu nahi dugu. Kexan emandako datuen arabera, **mutil horrek** etxez etxeko hezkuntza arretari esker egin zituen derrigorrezko irakaskuntzak.
    - c. Halaber, artritis erreumatoidea duen mutil gazte batek egindako kexa aipatu nahi dugu. Kexan emandako datuen arabera, **hark** etxez etxeko hezkuntza arretari esker egin zituen derrigorrezko irakaskuntzak.
  4.
    - a. Aipatu ereduari aurkeztu beharko da parte hartzeko eskaera, **zeina** txostenaren amaieran erantsen baita.
    - b. Aipatu ereduari aurkeztu beharko da parte hartzeko eskaera, **eskaera hau** txostenaren amaieran erantsen da.
    - c. Aipatu ereduari aurkeztu beharko da parte hartzeko eskaera, **eskaera hori** txostenaren amaieran erantsen da.
    - d. Aipatu ereduari aurkeztu beharko da parte hartzeko eskaera, **eskaera hura** txostenaren amaieran erantsen da.
3. **Berridatz itzazu akta batetik ateratako esaldi hauek, “Aktak idazteko hizkuntza-baliabideak” artikuluko egileak proposatutako ildotik.**
1. Urko Fernandezek, Aramaioren kasuan, futbola, saskibaloia eta eskubaloia barne hartzen dituen modalitate horrekin, data arazoak sortzen direla kimuen mailako egutegietan **adierazi du**.  
\_\_\_\_\_ **adierazi du**, \_\_\_\_\_  
\_\_\_\_\_.
  2. Joserra Angoitiak futbol, areto futbol, saskibaloia, eskubaloia eta errugbi modalitateetan kirol teknifikazioko unitateei baimena ematea arautzen duen Foru Agindua zirrubioren testuari buruzko ekarpenak egiteko epea astebetekoa dela **adierazi du**.  
\_\_\_\_\_ **adierazi du ezen** \_\_\_\_\_  
\_\_\_\_\_.
  3. Karlos Ugartek ez dagoela legezko oinarririk horrelako eskakizun bat egiteko **adierazi du** eta horrelako eskakizun bat ezartzeak kirol eskolen jarduerak arautzeko planteamendua hondatu lezakeela.  
\_\_\_\_\_ **adierazi duenez**, \_\_\_\_\_  
\_\_\_\_\_.

4. Gonzalo Basaurik euskararen eskakizuna, eskola bati baimena ematerakoan, ikasleen artean dagoen eskariaren arabera izan daitekeen **galdetu du**.

\_\_\_\_\_ **galdetu du** \_\_\_\_\_  
 \_\_\_\_\_.

5. Imanolek, GKParen kasuan, euskararen erabilera egoki dakioken diru-laguntza gehitzeko faktoretzat jotzen dela **erantzun dio**.

\_\_\_\_\_ **erantzun dio esanez,** \_\_\_\_\_  
 \_\_\_\_\_.

#### 4. Zein hitz dagokio definizio bakoitzari?

- |   |               |
|---|---------------|
| 1. Elementu bakarrekoa edo beharrezko ez den elementurik gabea.   | a. herdoil    |
| 2. Zerbait burutzea lortzeko beharrezko aukerak eman.   | b. gartsu     |
| 3. Astindu, higidura azkarrez mugitu, zerbaiti kolpez edo higidura bortitzez eragin.  | c. balizko    |
| 4. Litzatekeenari baina ez denari dagokiona.  | d. ahalbidetu |
| 5. Burdina eta altzairuaren gainazalean ur likidoarekiko zein aireko ur-lurrinarekiko ukipenaren eraginez hauei sortzen zaien burdin oxidozko geruza gorri edo horia. | e. soila      |
| 6. Gogo, lehia biziz betea.   | f. dohaintza  |
| 7. Norbaiti ziria sartzeko edota nahi dena lortzeko egiten den azpiko.  | g. inarrosi   |
| 8. Gogoaren joera bizi eta bortitza, gogo asaldatzen duena.   | h. grina      |
| 9. Pertsona fisiko edo juridiko batek beste bati, ordainetan ezer hartu gabe, zerbait ematea eta ematen dena bera.  | i. trikimailu |

#### 5. Lotu hitz bakoitza bere sinonimoarekin

- |                 |                            |
|-----------------|----------------------------|
| 1. Ataka        | a. Bat-batean              |
| 2. Ahitu        | b. Garrasia, oihua         |
| 3. Gartsu       | c. Erabatekoa              |
| 4. Bete-betekoa | d. Biraka                  |
| 5. Antzeman     | e. Kinka larria, estualdia |
| 6. Ziplo        | f. Igarri                  |
| 7. Heiagora     | g. Bukatu, agortu          |
| 8. Trumilka     | h. Xuxurlatu               |
| 9. Xalo         | i. Atsegina, maitagarria   |
| 10. Itauna      | j. Galdera                 |
| 11. Murmurikatu | k. Gogo, lehia biziz betea |

# Soluzioak73

ADMINISTRAZIOA  
EUSKARAZ

- I.**
- |               |                |
|---------------|----------------|
| 1. beroki     | 5. gainegitura |
| 2. gailendu   | 6. gaixo       |
| 3. gainalde   | 7. gaizto      |
| 4. gainbehera | 8. gaizkile    |
- 2.**
1. b
  2. b
  3. b eta c
  4. a eta c
- 3.**
1. Urko Fernandezek **adierazi du**, Aramaioren kasuan, futbola, saskibaloia eta eskubaloia barne hartzen dituen modalitate horrekin, data arazoak sortzen direla kimuen mailako egutegietan.
  2. Joserra Angoitia **adierazi du ezen** futbol, areto futbol, saskibaloia, eskubaloia eta errugbi modalitateetan kirol teknifikazioko unitateei baimena ematea arautzen duen Foru Aginduaren zirriborroaren testuari buruzko ekarpenak egiteko epea astebetekoa dela.
  3. Karlos Ugartek **adierazi duenez**, ez dago legezko oinarririk horrelako eskakizun bat egiteko eta horrelako eskakizun bat ezartzeak kirol eskolen jarduerak arautzeko planteamendua hondatu lezake.
  4. Gonzalo Basaurik **galdetu du** ea euskararen eskakizuna, eskola bati baimena ematera-koan, ikasleen artean dagoen eskariaren arabera izan daitekeen.
  5. Imanolek **erantzun dio esanez**, GKParen kasuan, euskararen erabilera egoki dakioken diru-laguntza gehitzeko faktoretzat jotzen dela.
- 4.**
- |      |      |
|------|------|
| 1. e | 6. b |
| 2. d | 7. i |
| 3. g | 8. h |
| 4. c | 9. f |
| 5. a |      |
- 5.**
- |      |       |
|------|-------|
| 1. e | 7. b  |
| 2. g | 8. d  |
| 3. k | 9. i  |
| 4. c | 10. j |
| 5. f | 11. h |
| 6. a |       |

IVAP

HERRI ARDURALARITZAREN  
EUSKAL ERAKUNDEA

Erakunde Autonomiaduna

